

臨

川

夢

臨川夢卷下

長白明 新春砦正譜

鉛山蔣士銓定甫填詞

秀水錢世錫百泉評校

第十一齣 宦成

古樂府

淨末扮二獵戶上老爺愛小民老虎喫好人要求老爺  
治老虎纔得好人不喫苦淨我們浙江處州府遂昌縣  
中獵戶是也我們這位縣官湯爺是江西人正直清廉  
與百姓興利除害近來夜不閉戶道不拾遺誰想新正

年頭蓮花峯下出了一隻頂大雄虎頭廣三尺身長七尺領了多少大蟲在四鄉擾害末夥計你的兒子被虎咬傷何不背了往縣中求何老丈醫治淨那箇何老丈末這老丈名叫何曉別號東白乃是江山縣人與縣官極其相厚他精於醫道凡小民鬥毆到縣驗傷何老丈卽與醫治所以縣中年來總沒有因傷致死的你還不知道嗎淨我在西鄉離城七八十里竟不知道這何老丈你看見麼末一箇白鬚老翁滿面善氣聞他幼年手殺劫賊數名後遇異人傳他方藥所以我們縣官十分

此篇實寫循吏事蹟

敬他呢。淨如此我背了兒子見官去。同下生冠帶官服

引二隸上

詩本

繞縣笙歌一省囚。寂無燈火照圍牆。中宵

撤斷天河鎖。貫索從教漏幾星。下官湯顯祖自徐聞典

史陞任遂昌縣令。政簡人和。官民相愛。豪強改過。獄訟

漸稀。去年除夕。將獄中各犯釋放。回家度歲。三日約於

今午。仍來收禁。特此升堂坐待。淨負子上。小人蓮花峯

下獵戶叩頭。生有何話說。淨數日內。西鄉有許多老虎

出入無忌。將小人兒子咬傷。特來求爺托何老爹救命。

生如此快請何老丈出來。雜請外白鬚巾服上。年終焚

藥券歲首接家書。老母奉揖。生東白先生請坐。這童子被虎咬傷。求你醫救。外待我看來。不妨有巨勝膏在。此取碗來研碎。冲水灌下。卽愈。雜取碗外研介。

商調過曲

黃鶯兒虎口脫餘生。定驚魂。藥力能神。膏入口堪甦。

醒

副淨介將藥灌下去。淨灌介外瘡痕漸平。肌膚漸盈。兒

躍起。淨笑介。噴活轉來了。猿猴跳擲如無病。同兒拜介拜

公庭恩同再造。免做鬼兒俚。

下外適得家信。竟生一子。老漢年已六旬。只恐不能看

他長成哩。生先生說那里話。你活人無算。隱德格天。後

嗣必昌壽年當永外多謝過譽告退了。下生我想春王  
伊始猛虎橫行咎歸令尹待我寫公文移牒城隍司去。  
寫介縣令湯某謹告城隍尊神曰令與神共典斯土人  
之食人者令能治之而法不能及於猛獸虎雖天生不  
如人貴神毋縱虎害民謹與神約牒到卽飭陰兵佐我  
獵人一同擒獲殲厥渠魁餘虎罔治倘因苛政所召罰  
在我躬毋爲貽禍幽明相佐各慎所司須至牒者皂隸  
可將此牒到城隍廟焚燒回報。雜持牒下生。

前腔毒螫恣橫行用誅鋤敢失刑。鱷魚翻海猶從命官如

欠清神如欠靈陰陽尸位奇災應問專城一般牙爪還較  
虎猙獰

扮衆囚作醉飽歡悅情態上除夜星灰氣燭天酴酥銷  
恨獄神前歸家拜朔遲三日到縣迎春又一年入拜介  
各犯叩賀老爺新年大喜並謝格外仁恩生爾等回來  
了好百姓這纔是我湯顯祖的子民你們父母妻子過  
年都有飯喫庶衆老爺聽稟

前腔血氣不能平念無知犯罪刑爺娘妻子關天性三朝  
笑聲全家涕零杯羹片肉今年幸求老爺上了刑具罷緣

莎廳銀鐺再領萬口祝長生

生左右送他們進獄中去。雜引囚下內作號叫聲。介雜  
呀。霎時風霧迷漫。軍聲大震。請爺退堂罷生。不必驚慌。  
掩面坐介。扮獵戶逐虎城隍領鬼兵繞場下。獵戶扛虎  
上。稟老爺。小人們用強弓毒矢。正在射虎。忽見山下黑  
氣中有無數神兵相助。遂將雄虎射死。送來驗看。生妙  
極。城隍可云盡職矣。

前腔不愧主幽冥。享專祠俎豆。馨禦災除患神功正。取俸  
銀十兩。賞衆獵戶。將虎抬去掩埋。不得殘剝。衆謝爺恩賞。



賊民者焉有  
斯言

道子畫水洋  
洋大觀

臨川夢

卷一

四

扛虎下生吩咐該房虔備香花牲醴待本縣明早躬詣城隍廟祭祀田疇自耕閭閻不驚迎貓祭虎豐年應對蒼生斯民父母何日宦方成

吩咐掩門下

第十二齣 遣跛

末冠帶引正宮  
隊子上過曲  
南普天樂夏州城黃河帶鵲鵲軍圍青海

狼山下斷木爲障似長江天塹橫開末下官梅國楨麻城

人也萬曆十一年與湯義仍同成進士由固安縣令歷官

浙江道御史近因夏賊變亂屢抗王師俺特保李成梁長

子李如松提兵殺賊。卽命下官監軍。前用布袋三萬裝土。  
登城被賊砲石打散。那劉許二賊與哮家父子又暗勾套。  
寇前來相助。俺遣將麻貴李甯董一元龔子敬等分別追。  
斬不敢再至。且喜這甯夏一城地形低下。因與李總戎議。  
用水攻。連城築堤一千七百餘丈。決金波三塔兩湖之水。  
於西北決觀音紅花兩渠之水於東南。你看平地水深一。  
丈四面汪洋。昨日拿得奸細說城中糧盡。兵食戰馬民食。  
樹皮眼見釜底游魂。共成魚鱉也。看黏天浪擺盤渦。堆。  
排。只剩危牆三版。遮住蒿萊。

內敲梆歌介。癰不決兮。狃於疢。巢不覆兮。鴉尚止。末呀。  
歌聲奇怪。是異人也。快去喚來見我。雜下引外。白。短髭  
跛足。挑油担。上古木。千山月。荒臺萬水風。從來天下士。  
只在布衣中。雜稟監軍大人唱歌之人。是一箇賣油的。  
拐子。末着他過來。外放担揖介。大人在上。賣油翁李登  
參見。末聽汝歌聲。必知方畧。看坐。外告坐了。末左右迴  
避。衆下。末老丈作歌之意。可得聞否。外大人聽啓。

北朝天子。晉陽城不開。問誰稱智伯。怕淩波。師老軍心懈。  
便做道。產蛙沉竈。甲冑生苔也。則索料機關。知成敗。末賊

黨本不足惜。只城中百姓可憫。我欲遣一說客往作間。使三賊自相殘害。便可坐觀鷸蚌之勞。不戰而收其利。奈無人可遣。何。外。古來名將成功。善於用間。故曰不知敵之情者。不仁之至也。又曰三軍之事。莫親於間。莫密於間。非聖智不能用。間非微妙不能得。間之實。老漢生長寧夏。深知賊情。大人若推心置腹。叟雖衰疾。尙堪一往。管教他下邳兵逃。邯鄲圍解。又何必運神樵。勞朱亥。末。要真當代之。魯連也。俺有大將割付三道密書。一封與你收藏。叫軍士縛一木筏。渡你往東門。先見承恩。後見二賊。倘得成功。定

民和者老命  
重

想極

嘔噴

常奏聞陞賞外。天人差矣。我爲拯救生靈。不惜這條老命。  
賣油翁豈學蹇人升天而貪榮利者乎。末與割付外。納懷。  
中介外。顛巍巍將臺。亂紛紛將才。俺去矣。挑担介。願做箇  
太平人。將油賣。

下末。吾事濟矣。下丑。戎裝引隊子上。

南。普天樂。捲秋濤。城將壞。困長鯨。天無奈。援兵絕。套馬難。  
來對窮鱗。怒裂魚腮。俺哮承恩。暗勸劉東陽。許朝二人謀。  
反。指望於中取利。豈料天兵四壓。如今弄得收拾不來。那。  
李如松。牛秉忠。麻貴。蕭如薰。一箇箇驍勇非常。已難抵敵。

取法乎上

辱語

又加上監軍梅御史智謀百出調遣有方叫我如何招架  
前日五路夾攻兼之火燒水灌看看食盡援絕目下雖然  
閉門死守却是一籌莫展咳老天老天我哋家父子也是  
一代英雄難道如此結局麼跳介怨天公意反蒼黎困水  
災屈煞劉聰石勒沒箇安排

雜上稟將軍外面有一箇賣油的拐脚老兒求見丑叫  
他進來雜引外上哐將軍賣油翁拜見丑哐你莫非是  
梅御史差來的說客麼外正是丑綁去殺了外我來送  
一場大富貴與你你反這般浮躁可笑我這條老命值

愈冷愈處

刺心語

箇甚的你殺了我只怕要償命還不允哩丑前番魏總督差來的葉得新被俺斫了左腿後來方巡撫遣來的總兵張傑現鎖在死囚牢內你怕不怕外這些舉動逼真是毛賊氣度古云兩國相爭不斬來使老漢若怕你殺也不來了丑你且講來外此言豈可傳於六耳丑諒你這拐老兒不會行刺俺難道怕你不成左右迴避了衆下外監軍梅爺念將軍父子屢立戰功本無反志只因朝廷爵賞太輕文官節制太緊以此坐視劉許二賊跋扈懶於勦捕前日出京時已在皇上面前密奏極力

幾切

中鈞矣

賊骨酥麻難受

保全將軍富貴並請有提督劄付一道送與將軍幾番  
要遣人說知就裏一則怕劉許二賊見疑二則怕將軍  
粗鹵不知好歹所以遲遲丑動色起立介噫噫噫好御  
史好御史真是俺知己也外他說將軍呵

北朝天子是安邊將材是提封大帥勸朝廷休把長城壞  
倘將軍不悟將來玉石俱焚豈不可惜一旦的水斷蛟龍  
可也不分皂白誰認得老英雄將軍拜丑依你說那梅御  
史叫我如何辦理外御史說我是殘疾老兒旁人斷不疑  
心把密記一封劄付一道送與將軍苟能暗殺劉許二賊



存何矣

日佑生髮光

封侯如反掌耳付書丑看介外只要你密引雙豺同時誅  
醢他把你舊愆尤都擔戴丑不料梅公待我如此之厚老  
頭兒你可回去替我致謝書中所言一一遵命便了休悄  
悄去罷作得意狀下外笑介監軍妙算思過半矣這邊人  
使乖那邊人不飲水雲中築下了連環寨

下淨副淨戎裝引隊子上

南普天樂監降旗教咱拜閉荒城將他耐三軍竈少米無  
柴餓夫營飢困難捱淨俺劉東陽副淨俺許動坐介淨許  
兄弟我們被梅御史決水灌城弄得餓盡糧絕如何是好

串插無痕

妥頓好

副淨劉哥我悶不過了聽見民間有箇郭坤他死後留下一房美妾我方才叫人送了三兩銀子去討他來頑頑淨這箇時候虧你尙且高興末卒上稟許將軍小人到郭家見那女子他說昨日受了將官周國柱兩正繭紬之聘不能從命道言末了周將官已遣人娶去了這是銀子繳還將軍副淨阿呀周國柱大胆敢奪我美人明日必殺此賊末外面有箇賣油老兒要見二位將軍淨他是何處人末是本地人小的們都認得他名叫李登是箇拐子副淨叫他進來末引外上李登拜見二位將軍有密話稟上淨

前以舌戰今  
以筆爭或智  
或愚看他作  
用

左右退下衆下副淨講來外小老兒昨日在城外軍管賣  
油那梅御史將我叫到帳中悄悄吩咐道我有書一封着  
你送與劉許二將軍小老說爺多少兵丁爲何叫我送去  
他說兵丁送去恐怕嚇家父子疑心所以要你殘疾之人  
方無形迹淨書中所言何事外小老不識字他如何肯告  
訴我二位將軍看了便知底裏遞書介我去了副淨住了  
你只怕是箇奸細末他是小人鄰居是箇忠厚好人不是  
奸細淨如此你引他到後面去坐坐待俺看了書再叫他  
來末引外下淨看書介國楨拜啓兩將軍本漢臣也党孽

寇薄激變軍心罪該萬死。哮氏倡亂兩公誤入牢籠致煩  
聲討。國楨昨已密奏朝廷。蒙許瀚雪。今頒到提鎮劄付二  
道。苟能密誅哮氏父子。某代請封侯。誓不相負。倘執迷不  
悟。城破之日。後悔無及。轉禍爲福。物且知機。速祈裁酌。不  
宣。呀。這是京中頒來劄付。兄弟你怎麼說。副淨我們當日  
本待招安。都是哮家把持。今梅公書辭諄切。我們就此將  
計就計。爲是試平心自揣。如何敵得來。不若權粧褒鄂。畫  
上雲臺。淨有理。喚李登來。末引外上。淨李登你回去說書。  
中所言一一從命。不寫回信了。外多謝將軍。副淨送他。

臨川夢

卷下

十

奇而諧

油然與之  
儲不自失焉

出去淨副淨下末李伯伯你自去罷不送了下外大笑  
介這事兒有九分也挑担行介

北朝天子兩封書暗裁幾顆頭下來鴈和魚是箇龍鍾拐  
誰知俺兩隻清油將他煎壞抵多少沸湯爬橫行蟹大哥  
來渡我呀雜持篙上老丈出城了請上簿來外渾不用折  
葦橫江乘桴浮海唱一隻打油歌無防礙雜前邊是監軍  
大人營盤了你慢慢去罷下外梅公此計真是菩薩心腸  
也把冤城鎖開把生靈劫解把一座滾油鍋換出清凉界

下

好句

好官

運映

# 第十三齣

## 續夢

生紗帽便服上

詩本

少小詞場浪得名。白頭文字總關情。

若非河岳驅排盡。定是烟花撥換成。下官湯顯祖來宰。

遂昌盡心爲政。且喜民和事理人壽年豐。官有餘閒。琴。

多雅韻。只是年來呂兒詹女相繼。死亡骨肉傷懷。宦情。

益淡。近日退公之暇。續撰新曲二種。一曰邯鄲夢。一曰。

南柯夢。草稿粗成。尙須刪潤。想起昔年作牡丹亭時。尙。

有夫人商訂。到今日幽室燈青。遺挂在壁。玉樹雙埋。閒。

愁萬種。所謂中年哀樂情盛。正賴絲竹陶寫。想我湯若。

大衆三思

同床各夢一  
切如是

假下苦復生  
必曰使君與  
操能為此文

臨川夢

卷下

七

士閱過浮雲來幻泡何異夢中兩人也拂几整書坐

介

正宮  
過曲 雁魚錦 雁過 誰家夢短誰夢長做千般睡法千般樣

驢子喚那人來騎上好無聊影郎當被仙翁瞥見行藏愁

他沒主張跳不過愛河守着恩情障覷不透戲局寫着功

勞狀二犯漁家傲荒唐那答泥床似這般磁枕怎露出些兒亮

其中甚廣那知道逐件隨心蕩一霎裡金屋洞房一霎裡

沙場夜郎一霎裡拜平章紅翠餉蕭蕭白髮如霜笑介我

想士當窮苦無聊之際說到出將入相未嘗不慨然太息

示人下拜

等差不爽

妄想庶幾一遇及其已得之後飽饜濃腥迫束形勢說到  
神仙境界又未嘗不欣然而歎羨之這盧生于夢中沈酣  
吟嚙以致于死一哭而醒咳夢死可醒真死何及須臾崔  
盧在那廂那壁廂坐着个酒糟頭醒耳聽驢叫這壁廂挺  
着个渴睡漢飢腸覺飯香若是那个淳于夢不過一落魄  
武弁名心未除愛根不斷所以在甘露寺中遇着幾個蟻  
兒便生留戀比邯鄲道上枕頭裡面更加細碎齷齪也犯二  
漁家燈顛狂他看上蟲娘甚槐安國土王姬降遇了絲鞭除  
了都尉築了瑤臺坐了黃堂龜山藁壤悼亡心痛可是玉



官昌谷與義  
山一手有此  
可斃

假子宰相我  
師古人

監官收場一  
刀猛省

棺纔葬為甚麼三星斜滾桃花浪九曲細穿牡蠣房喜漁燈

咸池犯孛上千元象誰鑽穴是金枝貴婿地無狀況藤

蘿冒功把泥頭亂堆古戰場本是個戀花迷酒淮南客怎

做得蟲王槐相合教他解綬還鄉可笑他歸田誰祖東門

帳再休想侍獵同牽上蔡黃笑介寫至此可發一笑記得

白樂天詩云蟻王乞食為臣妾螺母偷蟲作子孫彼此假

名非本物其間何怨亦何恩且叫他燒个指頭好去立地

成佛也錦纏道犯漫迴想二十年南柯印箱踽踽更涼涼剩依

然隻影眷屬何方似這個醉淳于指頭兒痛傷倒不如蠶

居映生疾

有得破跳不  
過傷哉我生  
也

以利交者古  
豈可風

盧生枕頭兒無恙。兩夢俱已脫稿。咳。湯若士。湯若士。你自  
己的夢。幾時纔醒。哪。捲卷自思量。正是教人急挽江心柁。  
自己難收馬背韁。

執二曲本下

第十四齣 雙噬

丑引二 破金歌。城牆崩塌。怎收科。只好思量各顧各保全。  
卒上 自身沒奈何。巧騰挪。弄死他們。單留下我。

俺。啁承恩。昨日聽了賣油翁傳說。梅御史一片爲我的  
好心。不便執迷。但我一人難敵劉東陽。許朝兩個。聞得

將官周國柱因買妾一事與許朝仇怨不解我如今約  
他前來密爲計較諒他必定相幫倘能殺却二賊我的  
富貴更加十倍矣小生短鬚武裝上爬城兵避水搗穴  
賊爭風哮將軍呼喚小將有何使令丑左右迴避周將  
軍請坐聞你新納一寵甚美有人要暗算你不可不防  
小生敢是許朝那厮丑正是小生我連日要殺他没個  
機會兼且無人幫助恐反爲他所害丑將軍果有此心  
我當助你一力小生殺許存劉終非了局哮將軍我還  
聞得他二人密議要殺害你一家呢丑了不得周將軍

殺人者人恒  
殺之

你是個好人。我實告訴你罷。梅御史已經將我保奏。叫  
我殺賊立功。封侯受賞。你若與我同心。斷不相負。小生  
如此甚好事。不宜遲。許朝與我有隙。我若去尋他。必多  
準備。將軍可用計誅許朝于城南。我當戮東陽于城北。  
也丑妙極。小生小將去也。下丑家將世富大宣過來。雜  
二將上有丑我如今去看許朝。你二人緊緊跟隨。相機  
行事。若能下手成功。自有重賞。雜理會得上馬重唱巧  
騰挪二句同下副淨引二卒上

雙勸酒。娉婷麗娥。被人強奪。青鋒暗磨。料他難活。若得一

刀劈剝。那其間再整衾窩。

俺許朝思念郭家美妾。不能到手。怎生得把周國柱那  
狗弟子殺了。方遂吾意。丑引二雜上。望梅思解渴。割肉  
借醫瘡。來此是南門城樓了。通報。雜。哮將軍到。副淨迎  
介。哮哥好幾日不會了。丑便是。想念許哥之至。特來奉  
看。副淨請坐。丑這兩日城下水一發大了。怎麼好。副淨  
劉哥守着北門城樓。說他那邊水勢更狠呢。雜二位將  
軍不好了。城內大砲轉過頭來。向着城樓。莫非有變。丑  
如此。我與許哥下城一看。副淨。哮哥先行。丑前行。副淨

如法炮製

善師不戰

後行雜從後殺副淨取首級賊兵上混戰一回被丑殺  
退小生提首級上。哼將軍劉東暘被我取了首級來也。  
丑如何殺得能快。小生俺聽得南城吶喊便急登北樓  
報曰南城破矣。劉賊驚起倚欄而望。我自後一刀砍他  
不死。走向厠房躲避。我追入斬之。衆兵正欲上樓被我  
大聲曉諭一番四散去了。丑我們就此開了城門到梅  
公營內請功去。重唱巧騰挪二句全下。末引隊子上。簾  
邊不用三枝箭破虜。惟看一局棋下官梅國楨。昨遣賣  
油老人入城反問。可喜兩賊皆已入吾彀中。方才遣李

如松及諸將提兵暗伏城外俟城中有變卽行奪門而入圍住哮家一併誅擒方除禍本探子上報南門大開哮承恩單騎投營稟見未着他進來卒架刀門丑跪入介監軍大人在上小將哮承恩謹獻劉許二賊首級死罪死罪未好改過自新當膺上賞左右取過首級號令城門請哮將軍後帳少坐待我發放事完親來陪宴丑多謝大人下淨扮李如松小生蕭如薰牽縛數武士上監軍大人在上末將李如松蕭如薰繳令這是賊黨哮承寵哮洪大士文德何應時陳雷白鸞等被我們生擒

在此末一併上了囚車。淨小生得令牽衆下卽上外白。  
鬚老旦武裝上。老將牛秉忠。小將麻貴。繳令。哼拜已經。  
自縊。割取首級在此。他合門人口方才自焚了。末首級。  
挂向城門分付將後帳。哼承恩上了囚車。就委蕭將軍。  
押解一千賊犯入京。李將軍。牛將軍。麻將軍三位入城。  
安哉。百姓慰勞慶王辦理一切善後事宜。下官就此拔。  
營復命去也。衆領鈞旨。末分付起馬。呐喊介。淨小生外。  
老旦並立打恭介。恕末將等不遠送了。末各有公事。就。  
此奉別。四將下。末引隊子繞場行介。



壯采樹朝霞

朝元歌河聲似雷萬甲將兵洗班聲亂嘶萬幕連雲起刁  
斗無驚夏人安矣笑談已縛鮮卑都護安西長城飲馬花  
滿池按劍醉留犁傳杯唱尉遲請看這梅家旗幟棘門潮  
上皆同兒戲皆同兒戲下

第十五齣 寄曲

百兩黃金風  
然盈耳

老旦白髮扶商調山坡羊銅南山不銷磨的情塊剪孤雲  
杖懷曲本上過曲沒粘連的情態吐情絲苦栖栖的自纏陷情坑白辣辣的  
將他害才子卷中詞佳人眼內血藏之衫袖間廿載字不  
滅老身俞家養娘便是自二姑亡後幾番要將他手評壯

久要不忘嫗  
亦成人也哉

等而不怒

歷落嶮斷可  
笑人

丹亭本子寄與湯爺怎奈他宦迹轉遷張許二位相公又  
各有事於四方因循耽閣不覺二十餘載近日聞他致仕  
家居我雖年邁不敢負一姑之托爲此搭箇便船來到江  
西臨川地方一路問來說他家就在前面泪介咳我的二  
姑你生作恨人死爲冤魄好沒來由也前世該今生活受  
纔便做他香銷骨化癡魂在料沒有鬼弄神搬把小墓開  
憐才再休憐索命才投胎再休投識字胎

下生花白鬚巾服上

前腔舊官袍遮不全的酸態破烏紗填不完的官債響喉

破牢籠乾  
夢色

嚙說不盡的世情老牙根嚼不了的黃齏菜我湯顯祖遂  
昌考滿辭職歸家喜得雙親老健諸子能文將鬚介咳行  
年五十鬚鬢蒼然宦海雖離塵緣難了仔細想來則被老  
天奚落煞人也各樣差教人各樣捱把榮枯得喪分途派  
儘着你各運機謀各弄乖愚哉落得妻孥享用該悲哉留  
下兒孫準折來

題好看

丑白鬚上啓爺外面有箇老婆子說自蘇州來的有要  
緊事求見老爺生着他進來丑引老旦上這里來這是  
家爺老旦大哭介咳呀我的湯爺你害煞人也生驚介

呀老媽媽這是什麼意思老旦老身見禮了生不消看  
坐來老媽媽請坐老旦告坐了生素昧平生遠來相訪  
必有緣故試道其詳老旦老爺那一本牡丹亭可是你  
做的生便怎麼老旦我乃婁江俞氏養娘不幸員外安  
人早亡只留一女名喚二姑是老身乳養至一十七歲  
性愛書史不合見了此曲因而感嘆成疾沉頓三年竟  
爲你而死了生驚介有這等奇絕之事老旦俺那二姑  
呵

二郎神空閨裏對寒燈玩新詞無奈有萬種呻吟難索解

如泣如訴

生敢是慕那麗娘得諧佳耦麼。老旦非也。他說那兩人呵。不過虛無縹緲。是仙郎自寫傷懷。出曲介。湯爺這是他親批註的本兒。請看這粉暈脂痕。零碎楷泪。瑩瑩斑斕。都在生畢竟因何至此。老旦你道他爲誰來。念先生何曾半刻丟開。

生接曲本介生

前腔

換頭

奇哉這微言妙旨。精詳可愛。更夾註旁批箋。又改

蘭心蕙性。是名門玉映清裁。我湯若士生長茫茫宇宙中。恁般蕭瑟。豈料天涯知己在有弟子紅粧。遙拜事堪哀。甚

死轉辛酸

不自何益痴  
八九原

江關詞賦庾信年衰

老旦湯爺你可惜不會看見俺二姑真可憐哩

集賢賓幽閒鎮靜一女孩更痴似書畎幾番要繡出平原  
將你拜苦難知容貌形骸他死時也無別的埋怨只怕冥  
司十宰不肯錄修文眉黛又說道本欲將此曲殉於棺內  
但恐他一點思慕之心無憑表白生泪介老旦愁似海要  
惺惺見他文彩

生此事有幾年了老旦二十年了只因道路遙遠不識  
湯爺仕宦何處是以蹉跎至此老身呵

落子詞令姬  
真可人

大衆不敏請  
事斯語

集賢聽黃鶯移乾就濕養大來痛玉樹生理便與他守抱  
蘭亭真本在怕霉淹蠹損粧臺收藏甘載恐沒箇東君交  
代湯爺你和他前因中必有一椿公案數安排無情有恨  
却是怎生來

生老人家可有兒女麼老旦我孑然一身並無倚托生  
不嫌簡慢就在舍間長住罷老旦多謝老爺生院子送  
老媽媽到後堂見太夫人去合家大小人等不許怠慢  
老旦我幸有了安身之處但苦二姑墳墓無人照應生  
下官自有處分院子將南樓打掃祀奉俞小姐木主明

求之歟抑與  
之歟

他不讀書庶  
幾不死我不  
年少僕倖得  
生絕妙機鋒  
方是無情有  
恨

日撥一人往蘇州給銀買田數畝以爲守墓工食丑是  
老旦福介多謝老爺生老媽媽你二姑呵

鶯花皂竒慧性中來做了箇不逢時文秀才敢前生欠下  
傷心債甚瀟瀟暮雨把吳娘害下官一事無成半生寡合  
知我不知我已置之度外不道口業流傳翻累箇人年  
命守墳臺祀裙釵他是一箇讀書人便活也歎我是一箇  
少年人便死也該不能做論文小友雲烟共裁只好結忘  
年死友蓬蒿共埋下官呵把虛空打碎又被虛空礙

丑老媽媽這里來引老旦下生何自爲情死悲傷必有



神一時文字業天下有心人咳俞二姑呀

尾聲你人天撒手能相待堪笑吾生亦有涯這一本殘書

就是我二人的金蘭小譜也不要你地窟裏還魂但相期

夢裏來

級上吸下山  
斷雲連

第十六齣 訪夢

虛無難辨是  
鬼非仙

小旦淡粧仙呂入 攤破金字令微雲定些隱隱隨人歇涼

烟趁些悄悄將人拽樹杪風來撐持不迭把人逗的虛怯

遍身明月奴的影兒何處也奴家俞二姑短命為人傷心

做鬼那冥官念我因牽文字之緣不同情慾之感將奴永

情欲即是輪

數語抵一首  
哀江南賦

再冉如見

脫輪迴任憑游戲向問湯先生薄宦留都因而尋到白門  
地面咳你看燐光遍野已無樓閣三重香骨成堆但有烟  
脂一井這些烟花魂鬼粉黛骷髏何足當人一盼也君臣  
守淫邪河山暮氣遮梁勝齊耶隋勝陳耶風流有餘無氣  
節來此太常寺衙門了不免逕入二門神上何方野鬼敢  
人公門小旦妾乃婁江俞二姑來尋博士湯顯祖老爺  
的神他久已貶做徐聞縣尉去了你要尋他可往廣東  
去罷下小旦苦也好遠的路程喲我且趁着這北風兒  
吹將前去行介

小婢子有階  
大眼光偉論  
宜其永脫輪  
迴

夜雨打梧桐。他因何事遭遠謫。直得恁磨折。可憐爺少甚。  
麝頭鼠目。擁着銅山金穴。駟馬高車。偏他似俺薄命妾。呀。  
老樹連山。梅花似雪。是何地方。那邊有字待我看來。梅關。  
呀。這就是梅嶺了。我想這一條古道。自唐宋以來。不知多。  
賢人君子。皆從此貶謫而去。歎羣公建白。建白。憑誰聽。  
者。落得炎荒殞滅。倒不如尉佗劉鋹。一班蠢才。尚可伸眉。  
吐氣。蹴蠻韉。但是孤臣志節。終不以彼易此。要死後譏彈。  
免儘生前欠缺些。前面一位古佛來了。我且閃在一旁。虛。  
下二童子執幡引佛上。自入山來。皆雪意。絕無人處有。

烟痕俺小釋迦乃嶺南保昌人也俗家姓黎九歲入山  
修道得成佛果來往梅花園中掌管南枝春色童兒那  
林下有一女鬼喚他過來童引小旦上這是小釋迦汝  
當參拜小旦拜介佛爺在上念我俞二姑遠方遊魂未  
知迴避伏乞恕罪佛汝將何往小旦小奴因讀曲而亡  
要往徐聞去尋訪湯顯祖老爺的佛好一个癡兒他久  
已陞到浙江作令去了小旦是何縣名佛他已辭官歸  
里不在浙中汝若要見他從此北去逕投撫州臨川縣  
內望見庭中有一樹極高的玉茗花便是他家也小旦

切幾希如  
如是

生

餘

再拜介多謝佛爺指引佛去罷不俗卽仙骨多情是佛  
心下小旦妙呀若非遇見老佛踏破鐵鞋正難相見哩  
金水令深感靈旛相導慈悲小釋迦指與詞人庭院一樹  
花遮坐花陰將夢寫但不知湯先生怎生一个樣兒恐怕  
認錯了啐他自有僊骨稜稜映着玉樹橫斜咳俞二姑你  
也有尋見他的日子說甚黃泉路迥碧落途賒生生死死  
只隔這些內作水聲介呀一轉身來這是南安了哪那不  
是府衙呢可真有个牡丹亭梅花觀麼笑介呸那有此  
事來啲

一部華嚴自  
生自滅

又字詰言便  
成夙孽令人  
不省

展鍾一響

四塊金情生這些處處皆黏惹情銷那些件件都拋捨癡  
人自着邪詞人閒嘆嗟恁地周遮這般拉扯只愁我見了  
他將這一本曲兒絮絮叨叨不了呢則問你透三車玉茗  
花怎生留下許多枝葉下

### 第十七齣 集夢

木仙夢中驚喜總無端一枕銷磨半世官東閣堂餐西市  
酒生前誰肯厭邯鄲俺盧生是也前在邯鄲蒙洞賓先  
生點化遂得尸解名列散仙近聞下界有一謫仙名喚  
湯顯祖將俺與淳于芬之事撰成南柯邯鄲二夢傳演

甚佳爲此要往淮南尋着淳于公同向臨川走一遭也

南昌 懶畫眉 不提防舊日行踪上排場描畫山東田舍郎

怕才人口內弄雌黃把狀元宰相痴迷樣寫到那飯熟之

時沒遁藏下小生釋裝上

前腔 螻蟻堆中趁風光戀色貪名沒下場把蟲兒牽絆費

思量俺淳于夢南柯夢醒蒙甘露禪師棒喝立刻丟下那

副皮肉相成了這個羅漢身好不自在分明是人心妄念

生魔障那有槐樹根頭立廟堂末上喂淳于公那裡去

小生呀盧先生那裡來末塵世有一箇下文星叫做湯

百怪怕燃犀

道破一切

雙鳳觀空

淳于終是鈍  
報

妙理可思

顯祖將你我往事編成兩箇院本一名邯鄲夢一名南  
柯夢說是絕世奇文意欲同你前去從空際看他一看  
不知尊意如何小生有這等事想他借我們的酒杯澆  
他自家的壘塊不可不賞鑒一番但恐他嬉笑怒罵中  
未必輕輕放過你我兩個呢末便是小生想當日你睡  
你的我睡我的怎生你的驢兒雞兒狗兒就與我的蟲  
兒蟻兒不來往來往呢末笑介淳于公尙說夢話哩

前腔你在那槐庭酩酊倒雞缸我在這茆店昏沉偃石床  
一般蕭索沒商量同床各夢難停當怎能把蟻洞移來枕



竅旁小生前面來了一個女仙看他何往貼仙裝上

前腔紫燕分飛去釵梁一笑拋除薄倖郎見介兩公問訊

了末請問上真是何姓氏貼小仙霍王之女賤名小玉敢

問二公是誰末俺邯鄲盧生小生俺淮南淳于棼貼呀原

來皆四夢中人可稱良會小生郡主說甚麼四夢貼人間

有一仙官湯若士新填四夢傳奇難道兩公不曾知道麼

末邯鄲南柯是我二人之事不知郡主在何夢中貼則俺

是紫釵記中之鞋兒夢也重提舊恨好悲傷虧他宛轉酸

辛唱咳不及你富貴功名得意場小生請問還有一夢是

青天白日大  
聲疾呼九原  
有知亦當俛  
首

何名色貼這本曲詞是他第一得意之筆名曰牡丹亭  
乃杜麗娘還魂之事小生我和你唐朝沒有什麼杜麗  
娘呀貼非也此莊生寓言也蓋爲太倉王氏曇陽子而  
作末旣如此我等邀了曇陽子一同前往何如貼再休  
提起那曇陽子久證菩提少年曖昧之事已都懺悔他  
方恨湯君隱刺其短焉肯同往他說湯君呵

前腔畢竟是桃李春風舊門牆怎好把唯薄私情向筆下  
揚他平生罪孽這詞章因他有此口過是以畢世沉淪不  
能大用若還果有回生望可不俊煞了西川杜麗娘小生

七字祥應聲

子孫森嚴  
無假借

原來有許多情節。我們竟不曉得。貼更可異者。婁江有一俞氏。因讀牡丹亭一曲。感傷而死。雖是賦命不辰。終是此君詞章之孽。末危哉。文士之筆也。

前腔。主持功過有文昌。文到無邪。翰墨香。貼因他忠孝無虧。循良自矢。所以壽考康寧。不遭禍害。朱雲一疏。挾風霜。錚錚不附權臣。黨終不似輕薄文人。取禍殃。雜扮符官上。奉覺華自在王法旨。宣三位到覺華宮去聽天王說夢。末小生貼領法旨。雜下。末就此同行。正是今日共爲天上客。昔年同是夢中人同下。

第十八齣 花慶

世哀轉樂文  
此一變

以古雅放聲  
恸

生蒼髯巾南呂服持書上過曲  
宜春令黃蛇夢古字錢甚修文推他少年  
下官湯顯祖所生四子各能讀書不幸長子士蓮行年二  
十有三庚子八月卒於南京想他三齡識字五歲能文未  
死前夕忽夢一顯者說覺華自在王相召遂爾奄沒我年  
來將他遺詩賸稿寫成此冊題曰覺華編咳兒呀才長命  
短靈香一降曇花現我的老友中華亭董思白愛他文詞  
清美極爲延譽金陵吳元石賀知忍又欲將他留葬白門  
起造祠宇病書生傾倒前賢老父執更番垂唁看來次子

結束三次千  
里迴翔

大者三兒開遠四兒季雲雖然秀慧有餘怎及亡兒根器  
待問天公如何竟將蕙蘭偷剪放書桌上介小生巾服袖  
札上花外正彈思子泪雲邊又墜故人書孩兒開遠拜  
揖這三封書信是遠方寄來的請爹爹開看生取來拆  
看介這是梅克生年伯的信他削平甯夏之亂陞任僉  
都御史巡撫大同去了書中悔恨不該孟浪忝那魏學  
曾今力爲上書昭雪可謂善於改過者但葉夢熊殺降  
一事亦未可厚非也

前腔疆離手箭在弦要防他寒灰再燃懷哉廉蔭能平血

百篇所畧補  
叙加詳

凡爽

氣除恩怨這一封是李于田老伯的他少年出宰嵩縣能制奸胥蠹吏歷官遼東巡撫擊殺把兔兒請開木市昨總督川湖平定播州今官總河與總漕李道甫會議奏開淤日淤河真經世之才也小生末後這一封有淮安差官在外候領回書生這就是總漕李老伯的書子小生那總河李公是名化龍的這李老伯可是名三才的麼生正是他一生剛毅不畏權勢早年擒滅山東羣盜制伏管稅太監陳增及歙人程守訓威名甚重今遣人迎我去幕中共商謀畧咳身與諸公比肩事主老而爲客所不能也明日寫

食齊腸更苦

樂國人民德  
門谷屬

回書打發他去罷咳我湯若士本是一個老鵝鵲近號蘭翁絲緒已完篋筐俱絕豈復因人成事乎任游絲落絮粘連讓野鶴孤雲方便只恐羣公心頭一寸萬千交戰

小生呀哥哥扶着老公公弟弟扶着老婆婆出來看花了生快去脩酒來小生是下老旦小旦分扮二子各扶外淨白髮二老上合

劉潑帽花開玉茗堪消遣夫妻壽子孝孫賢安閒卽是神仙眷多感蒼天把各種驚惶免生揖介爹媽出來看花兒有旨酒爲二親介壽外副淨生受你坐介副淨兒呀昨

日看見蘇州傳來一個本子。不知是誰將你的牡丹亭。  
刪改了許多。生孩兒已題詩一首在上。外念來。生醉漢  
瓊筵風味殊。通僊鐵笛海雲孤。總饒割就時人景。却愧  
王維舊雪圖。外大笑介。他們固強作解事。你也忒煞自  
負了些。生方才有宜黃來的四個優人。叫汝寧官。羅二  
官。吳迎官。張五官。皆善唱孩兒四夢之曲。爹媽不嫌吵  
鬧。少刻叫他們出來。歌唱侑酒如何。副淨好呀。我二老  
最喜看戲的。小生上有酒了。請爹爹把杯。生持杯三子  
隨後揖唱介。



臨川夢

卷下

七

清麗

可歎

綉帶兒高堂上眉開目展兒孫戲綵尊前雪連堆花片玲瓏珠成串扇影團圓副淨老相公你看人家做官的兒子勤勞王事父母要想見一見也不容易即使勉強在跟前半日他又心挂兩頭患得患失一點孝心不知不覺就淡了怎及你我的孩兒早早辭了官回來朝夕奉事你我二十餘年無憂無慮有花便看有酒便喫好不快活外不要遠比卽如張江陵的太夫人看見兒子做了宰相赫赫炎炎一旦勢敗受那晚年之苦好不可憐副淨說到了此處孫兒們快斟大杯來我與你公公叫乾對飲同笑介合當

一日之養不  
以三公易此  
之謂也

筵同開笑口把春酒勸生三子願松鶴年年雙健合芝蘭  
護靈椿壽萱還怕那享榮華的人家翻羨淨末丑旦扮鍾  
離洞賓揚李仙姑貼扮盧生持帚上末盧生領了何仙  
姑的帚兒拜謝僊翁貼拜介

邯鄲原曲北沉醉東風再不想烟花故人再不想金玉拖身末

你三生配馬驢一世行官運碑記上到頭難認四仙盧生

合富貴場中走一塵只落得高人笑哂貼

前腔雲陽市餐刀嚇人鬼門關掙脫了這殘生末這等驚

惶你還未醒苦戀着三台印那其間多少冤親合日未醒

西早欠伸。有什麼商量要緊。

尾聲度却盧生這一人。把人情世故高談盡。則要你世上人夢回時心自忖。下

副淨唱得好。老相公再飲一杯。那些沒良心的富貴人。

三學士及第登科陞又貶。革了職返本還原。官囊籍沒官追欠。家產收完命苟延。怎似柴門閑過遣。一家兒花下眠。

外不願衣籠一品身。副淨願兒忠孝作完人。生事親課

子甯辭賤。三子酌酒看花未是貧。扶二老全下

第十九齣

說夢

義方之訓

旦男扮  
仙裝上

紙筆俱飛作片霞。夢餘人道好生涯。從來才子遭。

陽九。祇做朝開暮落花。我湯士邁乃玉茗先生長子也。

靈光偶墮人間。慧業仍歸天上。現在覺華王座前。爲掌。

夢。僊官因婁江女子讀曲而亡。俺天王待要喚醒羣迷。

打開大夢。故召盧生。淳于棼。霍小玉。並俞氏一同前來。

聽講。呀。道言未了。諸人早到。待官引末小生貼小旦同。

上。精氣爲物。游魂爲變。非鬼非仙。有聞有見。湯仙請了。

旦列公到來。此位敢是俞家二姑麼。小旦奴家正是。旦。

天王將次升殿。我等且到這邊小坐去。引衆下。奏細樂。

花旛引淨天王裝上

北仙呂

點絳脣。海市樓臺。楸枰疆界都無礙。各種安排。夢覺

今誰在不見一物。不生一想。無我無人不消不長。俺覺華

宮自在天王是也。善觀二十種睡眠。掌管大千場色相。

今欲將四夢中人。棒喝一番。想已宣到。旦引衆上。啓天

王奉宣四人。齊集殿下。淨引他上來。末盧生。小生淳于

勢。貼霍小玉。小旦俞二姑。合。恭禮天王。伏祈慈訓。淨爾

等跌坐兩旁。聽吾指示。衆告坐了。各坐地。介。淨爾等以

生爲夢。豈知死亦非覺。以鬼爲覺。豈知仙亦是夢。俺把

開光明藏放  
廣長舌盡空  
變相渡盡元  
機奇文奇氣  
至理至情

個中消息說與你們聽者衆阿彌陀佛淨

混江龍把不定陰陽機械將一個虛空架子立將來神與  
氣生結下幾家宗派精和血巧製就各樣形骸無生有有  
生無便叫那鄒衍談天難考究治復亂亂復治假饒他屈  
原呵壁也費疑猜有男女乃有夫婦有境界乃有苦樂生  
產下一窩兒啞債主有威權暗使的親嬖嬖忍着疼輪班  
服役供養着幾張嘴肉衙門無盡藏明捉住老爺爺掙着  
命逐日銷差苦煞了懦兒郎聽憑恁掂斤播兩愁煞了窮  
夫婿忍耐他數米量柴這一個積趙家私醉死夢生錢眼

坐○那○一○個○填○還○孽○賬○穿○衣○喫○飯○肉○身○挨○捧○定○這○臭○皮○囊○較○  
勝○爭○強○成○佛○生○天○都○要○死○戴○了○那○粉○骷○髏○追○歡○取○樂○嫁○鷄○  
隨○人○各○當○灾○羞○答○答○喪○門○神○一○把○兒○冰○肌○玉○骨○笑○嘻○嘻○勾○  
死○鬼○兩○行○兒○紅○粉○金○釵○百○年○間○名○韁○利○鎖○苦○牽○連○一○家○兒○  
男○婚○女○嫁○難○交○代○蓋○棺○時○博○得○個○夫○妻○恩○愛○一○聲○天○散○夥○  
時○償○不○了○兒○孫○衣○食○三○生○債○墳○頭○上○幾○點○泪○當○不○得○返○魂○  
香○醉○鄉○中○一○杯○茶○冲○破○了○塵○糟○塊○未○敢○問○功○名○富○貴○以○何○  
爲○覺○淨○甚○來○由○兩○朵○官○花○十○年○間○嘗○遍○了○那○些○兒○酸○甜○苦○  
辣○沒○出○息○一○枝○班○管○半○生○來○弄○不○清○這○幾○個○者○也○乎○哉○不○

過。是。小。聰。明。刻。鵠。雕。蟲。被。幾。個。活。窮。鬼。弄。得。你。喪。氣。垂。頭。  
休。怨。命。果。然。有。大。本。領。安。邦。定。國。這。一。位。醜。魁。星。雖。然。是。  
張。牙。舞。爪。也。肯。憐。才。主。考。試。少。什。麼。蘇。玉。局。領。着。那。名。士。  
衡。文。且。無。三。隻。眼。坐。衙。門。縱。有。那。包。鐵。面。難。保。他。窮。人。告。  
狀。不。破。一。分。財。沒。相。干。壞。墨。卷。考。得。上。便。算。他。文。星。透。露。  
有。憑。據。定。例。本。捐。得。出。也。就。是。官。鬼。詆。諧。光。閃。閃。雪。砌。冰。  
山。炙。手。後。終。會。逐。天。消。硬。幫。幫。紙。糊。紗。帽。下。場。時。未。可。連。  
頭。賣。假。慈。悲。越。勾。踐。漢。劉。邦。用。人。時。粧。出。些。豁。達。真。誠。善。  
逢。迎。韓。退。之。杜。子。美。應。制。日。藏。過。了。悲。歌。慷慨。小。生。武。將。



勲勞文官著作可是實在的。淨拼性命幹功名活累煞故將軍北討南征枉射斷兩壺弓箭嘔心肝做文字可憐見。腐太史東奔西跑也踏破了幾對靴鞋。貼這都靠着運氣呢。淨江心裏掛了帆廟門前斷了碑沒情面的風雷多勢利銅爐內熄了香石鼎中滅了火有威靈的神鬼也癡呆放不下長樓梯井底蝦蟆難求千佛救捉得穩巧線索棚中傀儡也有八人擡。小旦如此敢要尙義氣麼。淨謊也。花開了白玉堂黃金窟熱鬧裏結拜個弟弟兄風吹到鬼門關奈河橋急切中失脫了爺爺奶奶末權術如何。淨蠢

曹瞞哄自家造疑塚。末了兒藏。不過腐骨幾根。歛。麻。政。替。  
後世築長城。預先的落下了臭名千載。怕甚麼。猙獰鬼。過。  
過鬼刁鑽鬼俊俏鬼。在陽世上枉自會掉舌搖頭稱爾汝。  
看這班狠毒人。良善人伶俐人。古怪人到陰司裏。却仍要。  
打恭作揖。喚臺台。小生守本分的可好。淨苦守定幾所田。  
園。生不多死不少。真個是。禪中蟣蝨。緊藏着一包敕印。降。  
便愁陞便喜。也不過。樞下。駑駘。聽着他打就行。喝就止。黑。  
洞洞。驢兒推磨。看定人喜就笑。怒就哭。明顯顯。花子排街。  
貼可有報應。淨猛霹靂。捉不去。瞋睡虫。任他們打了爺罵。

了娘須索要喫緊的連夜驅車尋閃電善閻羅苦用着襪  
襪鬼儘他們欺了君賣了國爲甚不早些兒預先把筆判  
拘牌小旦青史何如淨青史也是夢訂幾本大賬簿記載  
些好本紀窮世家混列傳輪流着邪正君臣填注脚打一  
回長筭盤扣除了壞心腸劣皮毛醜嘴臉準折出聖賢忠  
孝細分腮末請問天地這樣辦法難道不嫌煩瑣麼淨咳  
天地也是無可奈何所以造出這些圈套儘世上的人跳  
去設下這千鍾粟九品官牢籠定十萬八千才智愚蒙一  
堆兒同掙扎劈開了九層天十重地捉弄的東西南北榮

枯壽夭都聽着大安排。五瘟神肩挑上百般病。沿門硬派。  
九子母手牽定各樣兒。隨意投胎打一面喬鼓兒。休要怨。  
老神明差了果報。使一會天性子也。須知太氣運。關着興。  
衰。小團圓。鳳皇冠。麒麟服。好封蔭。合得上厚祿。高官都只。  
爲積祖承恩。相挈帶。大劫數。離亂年。饑荒歲。劣殘生。逃不。  
出天羅地網。那裏是排家造惡。盡應該沒對証的鬼。變人。  
人變畜。鬧轟轟。轉不了雜碎輪迴。喜更張的水成田。田成。  
海。急攘攘。弄不盡的糊塗世界。衆天王以何修爲。成此解。  
脫。淨俺的衆悟好不苦也。哭一聲豁刺刺。驚得個揭諦神。

來時自在  
中從何入

落了鋼叉笑一聲谷都都嚇得個彌勒佛躲入布袋嘆口  
氣走進了蟻兒般的戲場中發個狠跳出了雞蛋大的乾  
坤外翻筋斗撞破了女媧氏補的天轉喉嚨吸乾了精衛  
兒填的海硬睜着大眼孔生怕老天瞞肯鑽入悶葫蘆浪  
被時人給真豪傑腔子內都忘了生死窮通大英雄夢兒  
中肯露出輸贏成敗這便是俺覺華王領受了天封拜俺  
與你和盤托出您可也撒底丟開

小旦請問天王弟子以何夙緣受此短折之報淨那杜  
丹亭內柳秀才雖是假相你倒是個真正嶺南人因不

該與那假杜麗娘有苟合之行故爾今生仍爲此事斷腸而死。

油葫蘆可記得蜀國相如短行來把文君連夜拐雖則是僧祇劫裏業緣該畢竟你龍華會上真身壞因此把蚕絲燭泪還前債累了他鵲鴛鴦筆興飛不顧那疊陽子情泪篩留下這奇文一卷將伊害怎能不憐薄命惜多才小旦

知罪了但弟子實慕此君才調欲圖一見不知能否淨俺自有主張你且少待貼弟子以何風孽受彼負心之

報淨大凡男女婚姻必須父母之命方得其正你燈前

扶植人倫主  
持名教誰云

是戲

留盼花下墜釵罪等牽情罰宜飲恨

天下樂。恁不合眼角眉梢一盼來。春也麼懷落燕釵。便是  
那李十郎做唐詩有甚才。苦了你瘦怯怯。憂成病。睡憨憨。  
褪了鞋。休怨那曳黃衫。殘劍客。小生弟子一官落魄。却教  
蠱蟻兒看上。成彼幻緣。可有因果。淨大笑介。此乃三夢  
中之致夢也。

那吒令。恨名乖利乖。醞些兒酒。懷對清淮古槐。抱些兒將  
材。感瑤臺絳臺。積些兒鬼胎。巧庖丁。赦不過沒頭鵝。老園  
公。種出了無根菜。也是你鈍根人。與蟲螻一般來。

奇語驚人

夢中參竊責  
齋云何

末弟子是個老實莊家。平白地被一個枕頭兒捉弄了。半晌好沒來由。淨怎沒來由。你想列鼎而食。選聲而聽。這志願可也不小呢。

鵲踏枝。老莊家有甚狀元才。幾曾會做知州。把河開一側。兒誤了疆場。玷了台階。買囑的貴姻親。百般提帶。出脫了。好粧奩一塊錢財。

掌夢郎過來。旦有淨他們四人。俱要與令尊相見。可速召你家玉茗花神來者。旦天王法旨。召玉茗花神進見。老旦花神上不諳。惜玉憐香事。常伴嘲風弄月人。天王



有何見諭淨花神這四位與你家清遠道人有文字因緣欲尋良會你可令睡神引他入夢遂彼衆心老旦領法旨淨這俞二姑呵

變辣非常

寄生草他不惜三生命因憐八斗才這盧郎是黃梁喫飽將尸解這淳郎是黃堂坐倒將心戒這郡主是黃泉歷遍將棺蓋都虧了才人四夢曲爭傳甫能穀詞壇萬劫身常在

老旦列位隨我到玉茗堂中去者老旦旦敢問天王弟子父親結果如何兄弟們將來可有成就淨令尊慧業

入箇字是先

聖定論

文人一生忠孝六十七歲送過二親仍歸天上令弟開  
遠由乙科起家犯顏極諫大有父風歷官河南巡撫瘁  
於王事以立前人未竟功業皆清門世德之報也且多

謝天王指示淨

議論安敢到  
身大不及膽

驚尾掀翻造化爐打破閻浮界渡過了茫茫黑海一任把  
五岳三山盤內擺葬神仙是我收埋覺華宮醒眼頻擡看  
不盡混沌彌縫又鑿開夢酣時自在夢迴時無奈虧了你  
老臨川將一個夢中身跳出夢兒來淨且全下

第二十齣 了夢

先天惜惜後  
天惜惜不睡  
何爲

并其願不  
等手虛

場上挂玉茗堂  
蝴蝶園中爲吏黑甜鄉裏封侯好笑陳搏  
偏副淨睡神上  
夢短不能睡滿千秋我睡神是也方纔玉茗花神傳說  
自在天王命引湯公入夢與一衆仙真相會於玉茗堂  
中只得遵奉欽依但我這兩面鏡兒乃混沌山中蒙泉  
底下天生一塊昏銅被懶惰天尊叫糊塗力士放在懺  
懺爐中鍊成此物專會鉤魂攝魄第一次送軒轅黃帝  
往華胥國裏去耍子一遍後來風后伊尹傳說幾個大  
老都靠這個障眼法兒得爲宰相惟有秦穆公他最便  
宜聽了釣天廣樂宋元君却是晦氣被一個白鳥龜纏

蟬嘔甘帶蟻  
銀蟬九各有  
所好奚臭奚  
香

看得破跳不  
過

了半夜好不耐煩。第一個快活的是莊周。這個老頭兒。他便每夜在裏面與個蝴蝶兒厮鬧。其餘萬萬千千的人。出出進進。我也不能查考。只有兩件東西。極是齷齪。凡要發財的。便來鑽進去。上上糞坑。要陞官的。便來扒進去看看屍骨。那種臭味。連我也薰得頭疼。無奈世上的人。求之而不可得。這也。憑他罷了。我想湯老官兒。半世嚼蛆。一生搗鬼。造言生事。撰出多少奇奇怪怪文章。硬派我老頭兒。在牡丹亭下。爲柳生杜女撮合。至今媒紅喜酒。不會見面。豈料今日他自己。也要鑽進圈兒裏。

佩珊珊其來  
迎

驚

如

無眼中現先  
生小像

面來須叫他多耽擱。一會兒則個內奏樂。副淨用鏡引  
生上。立定。副淨作笑看點頭。介下生。咳。好悶人天氣也。  
仙呂醉扶歸。闌干十二都憑到。閒中歲月恁蕭條。若有人  
過曲。今佩輕搖。呀。那邊玉茗花前立着。一個女子。我家從不曾  
見有此客。他分明戲撚花枝笑。既然把詩翁仔細隔花瞧。  
如何不把詩翁叫。待我走過竹徑去看來。下小旦上  
前腔。幽人庭院初來到。疎花掩映讀書巢。一縷茶烟竹風  
搖。那邊來的一定是若士先生了。等閒無此清奇貌。看他  
鬚眉巾帶。恁飄蕭。怎不向花前寫個神仙照。生上小娘子

六字是版依  
不是眷戀

不卑不亢齒  
煩生香

吐屬輕圓無  
非妙語

是誰家宅眷因何到此小旦奴要拜見先生以此不遠  
千里而來請先生上坐受我一拜生素昧平生焉敢當  
此請道其詳小旦奴家呵

醉歸花月渡

醉扶歸

左家嬌女聞風教中郎弱息解詩騷雖

不能咏絮庭前染霜毫却是伯牙家法通琴操生原來

小娘子知書達禮失敬了揖介請坐再求說明來意小旦

四時

迢迢江南嶺南尋幾遭經過五羊傷六朝

月兒

二十

年來思想得詞人老奴自幼年得讀先生所作牡丹亭呵

將一片花陰夢直睡過斜陽覺

渡江雲

今日裏人坐春風夙

看他出落斷  
續之法

日負爾許不  
慨知音

國川夢

卷一

三

恨銷央及你白髮康成把小婢教生下官偶弄官商便得

許多縈惹記得向年有一婁江閨秀也爲此詞鬱鬱而

死今日又勞芳踪跋涉下官不勝引咎小旦先生則奴

便是婁江俞氏也生驚看介有這等事小旦

醉花雲

醉扶歸

則奴把琉璃硯匣隨身抱幾會將烏欄錦字

暫時拋也只爲覷透情懷萬千條料得定文章到此知音

少因此上寒牕冷雨費蘭膏箋出你才人痛哭才人笑奴

有手批一個本兒不知可曾寄到否生是你家養娘不負

所托親送來的小旦泣介養娘真信人也多勞可憐他把

奇語可喜

死生之際吞  
吐自佳

奇語可驚

鳥跡蟲絲收護的牢你可也月夕花晨一再瞧生這個本

兒下官朝夕把玩如影隨身不道生小婢娟却有許多

識解二姑二姑你真是個夙世書仙也小旦慚愧生入

聞賢卿棄捐香閣敢是傳言舛錯哩小旦奴何曾是死

的來

醉羅歌歸醉扶  
慘慘戚戚枯梨貌淒淒楚楚病楊腰縱然奴

身子堅來讓芭蕉不道奴心兒死去埋幽草生如此小娘

子並不會死小旦奴何曾是活的來皂羅袍好些時風燈難

定隨螢細飄鏡花難安愁鶯暗捎纔抹過一灣流水臨川



元之又元

獅子吼

月夢

卷一

四

道排歌迴身慢行步悄拚着這生前死後任君瞧生呀下官

敢是在此做夢小旦笑介這也未必生敢是也死了小

旦何至如此生

醉翻袍醉扶歸不明不白人來到如眠如死境蹊蹺啐我湯

若士久已勘破死生刪除夢覺管他則甚二姑你旣拋空

修短遊戲虛無則問你那天上地下畢竟有何見聞來啣

則問你地獄天堂怎生熬仙緣鬼趣如何妙皂羅袍比似我

文章祈福餘辜可饒比似你聰明損壽前愆可銷我與你

來踪去跡可有人知道